

北山小集

北
山
小
集

北山小集卷第十一

信安程俱

絕句

太湖泂檄西原道即事三首

司空山頭朝出雲
西源渡口十里陰
煙中鷄唱未及
午白雨作泥泥已深

上崖下谷鳥道中
前橋後巾魚貫從
西山路暗光已
夕東山山頭餘日紅

道旁甕盎如汝陽
石間電雹如呂梁
不知身世在何
許舉頭四山鬱蒼蒼



登富陽觀

去聲

山亭

三首

游雲凝空日無華
煙江冥迷如眼花
觀山直南是秦望
不見高青天兩沙

東吳山川少雄遠
此中形勢如江南
當年伯符亦浪出
三雄相視徒耽耽

橋公宅中木參天
孫郎山前春燒去煙
大橋不向五湖去
建康宮深空歲年

壬子春暮罷職西省以宮觀東歸道由富陽默

記舊詩俯仰二十八年矣

有足感者用前韻作因簡叔問并諸故人三首

春風吹衣雙鬢華
山中小桃應著花
回思二十九年

事世故困人如算沙

故園在眼日漸近北山之北南山南從來不飲聲聞
酒況學詩翁老更耽

擊水三千尺五天故人拭目上凌煙北山還我扶犁
手准擬今年大有年

題蔣崇德彛所藏明皇夜游圖 二首

燃膏飛控逐流光露溢金盤樂未央擬跨八龍窮轍
迹誰令一馬向銅梁

靖画伊洛好家居四十三年似覆盂盡道蛾眉供一
笑安知傾國有胡雛

即事

照空初涌玉芙蓉驚起霜林尾畢逋託宿一枝翻自
失倦飛三匝正相呼

山中次葉翰林韻

五首

四山松桂擁高寒臘盡陰崖雪未乾發石開林窮鳥
道披榛尋壑見鯢和

繞舍蕭森碧玉椽西丘桑苧遠相連東山一爲蒼生
起付與幽人枕石眠

步尋芳草坐班荆照眼林泉動客情安得長年專一
壑北窻高卧更何營

李郭一舟知謾與羊求三徑可無人
它年午橋窮勝事應許幅巾來卜鄰

雨餘雲氣渺三江松月徘徊拂夜窓
坐對縣河瀉千古故知難並隴頭龍

七夕 六首

阿母雲車下建章茂陵秋草竟荒涼
漢庭卿相如麻輩只數窺窓陞戟郎

緱氏山頭白鶴飛山川良是昔人非
翛然脫屣人間世不獨遼東丁令威

胥門老蔡定凡仙會有神人與作緣
自笑塵容滯窮

骨不如鷄犬上青天

腹中書籍雖無幾可奈多知作病何正欲掃除無復
理聊將臯犢挂庭柯

織女機邊天漢流盈盈脉脉望癡牛未應乞巧能如
願咫尺星橋不自由

乘槎吾欲問天孫榮悴寧當巧拙論富貴可求難自
強五窮那肯置迷冤

江仲嘉行邑將歸見寄絕句次韻

八首

骯髒江公故不群八關三窟斷知聞喜談狗馬從無
鬼獨抱冰霜似此君

常嫌小知漫間間曠度蕭然只愛閑不借黃梁留客
醉嚴關三鼓欵銅鑲

若下餘杯一望間不辭山上復加山孟嘉固是盛德
士犀首何能終日閑

勸農行稼亦看山牛驥何妨共一閑應笑玄亭老頗
僻背崖無地結三間

漾漾扁舟拂水飛飄飄蘋末細吹衣傳呼匝地來連

壁東郭人知典午歸

仲嘉行縣歸司錄趙叔問遊
之南門聯鑣還府率以為常

詩城端欲據天山酒戶猶能敵飲仙幽事相關公事

了如屏千嶂翠連綿

聞說人間有閬風飛霞無路欲誰從只今華髮驚衰
態却羨蒼松獨奈冬

君知曹子幻竒功法界由來一性風等是少年誇狡

獐杖端聊挂蕊珠宮

仲嘉詩中用神仙傳
曹博士逆風舉帆事

葉翰林令畫僧作偃松於石林堂壁有詩

余次韻

四首

試驅毛穎沐方諸盤礴經營滲澹初莫作世間虛妄
見筆端三昧入無餘

當年溜雨三千尺回首丘山力萬牛故作輪囷歌絕
壁苦心蒼節俯清流

人間境物無非畫筆下丹青却似詩流出胸中無盡
藏翰林詞筆是良師

眼中突兀監田館前日空山穢不治聊遣上人供幻
事戲將方丈納仇池

寄謝葉翰林見招 二首

風流刺史從英游況復西湖菡萏秋授簡豈堪陪兔
苑舉鞭聊欲醉荊州

白雪詞章勝遠游胸中清鑑有陽秋玉堂正要如椽
筆肯使經年借一州

題許徽猷韓幹二馬

並轡長途騁二龍紫騮飛度玉花驄何年照影瑤池
暮露鬣風鬣慘澹中

觀大洪淳公送覺上人頌演爲四首

異類潛行未兆前箇中誰辨正中偏沉沉海底三更
月杳杳長空萬里天

昂藏頭角聳磨天玉馬嘶風曲調全却向大洪山頂
上一聲驚散野狐禪

迴途莫守寒巖草巖前枯木春風到玉顏年少滿頭
霜花落花開不知老

耕破威音那畔田向來荒草不知年鐵牛閑卧無人

嚶回首芄芄綠滿川

和潛老秋日山中 三首

夜漏初添數刻長毛塵何足較牛羊道人一念三祇

劫春草秋花自在香

佛本行集經云七羊毛頭塵成一牛毛頭塵

籜龍變化九天去草木如空異北群竹林之游寧復

得邈若山河懷五君

五君詠蓋竹林諸賢也

琅玕摧空一葉下塵鑑出桺南山高卧看微雲澹河

漢佳句不復推亭臯

三峯草堂 二首

庭前雙梧一畝陰禪房蕭森花木深清霜脫葉空山

響言夢覺寒窓松月林

雨洗千山翠欲浮
稻畦松澗已爭流
朝來風急凝雲盡
歷歷鍾聲過五州

觀元章帖有寄王寶文絕句戲和

好奇不減猗猗叟
放論猶嫌石戶農
怪底西山增爽氣
佳城蕭瑟悶滕公

避寇儀真六絕句

二紀重來一葦杭
脫身兵火走風霜
安知老境今如此
滿眼旌旗兩鬢蒼

北固山頭豎白旗
西津渡口僕姑飛
將軍笑引三千

騎洗馬鵝翎間道歸

是日聞浙西總管提兵自瓜州取道儀真度長蘆便道趨杭

江漢長哦向渺茫
白沙朱雀正相望
東巡百萬臨瓜步
拭目中興望我皇

拜表時時上閤開
九重葱鬱信佳哉
天旋地轉會有日
填咽都門龍御回

瑤臺侍臣不可作
嚴谷道人今也亡
杖藜三徑非無

約一笑凌雲有底忙

性與王八文彥周經由儀真歸浙至鎮江遇友人江仲嘉今二十四年矣

茅茨低小對青山
淮擬餘年向此閑
南望青山是黃鶴
欲憑黃鶴寄書還

泊舟儀真江上連日風雨作六言遣悶

四首

洶洶風號萬竅冥冥雨暗長江午夢歸尋三徑南山
怡對書窓

常寂光徧一切勝義諦即世間正自縱橫五位不妨

透脫三關

蝸廬有佛室曰常寂光小齋曰勝義

韋杜去天尺五鯤鵬擊水三千作意公能活國餘生
我得安禪

上流下流兵渡江南江北人歸寒盡春生梁苑天旋
日轉皇畿

題太守錢侍郎所藏薛少保獨鶴圖和韻

三首

紫清之驥下閭闔昂然野態猶高騫矯如喬松欲仙
去袂從霄段外雙眉軒

丹帔玄襟雪色衫羽人冠墜不須簪夜來白露聞清
警却使憂懷百不堪

通泉寫真不復見却火變滅隨毗嵐豈惟畫筆世莫
比正自草書無第三

題錢守宋漢傑清夢圖

錢守用余所收隆師小
首軸六言韻作見要題此

展盡衡廬清影卷將震澤俱還自有毫端子剎誰論

塊視三山

登泰山小天下斷妙喜出世間萬壑千巖掌握江月